

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06), člana 68. Statuta Općine Centar Sarajevo- Prečišćeni tekst („Službene novine Kantona Sarajevo“, broj 23/04), člana 13. Zakona o pripadnosti javnih prihoda u Federaciji Bosne i Hercegovine („Službene novine Federacije BiH“, broj 22/06, 43/08, 22/09, 35/14 i 94/15), člana 22. Porodičnog zakona Federacije Bosne i Hercegovine („Službene novine Federacije BiH“, broj: 35/05, 41/05 i 31/14), a u vezi sa tačkom 149. a) Uputstva o načinu vođenja matičnih knjiga („Službene novine Federacije BiH“, broj: 51/13, 55/13, 82/13 i 06/15), Općinsko vijeće Centar Sarajevo na 17. redovnoj sjednici održanoj dana 28.04.2022. godine, donijelo je

ODLUKU
o naknadama za obavljanje posebnih usluga
u Službi za opću upravu
Općine Centar Sarajevo

Član 1.

Odlukom o naknadama za obavljanje posebnih usluga u Službi za opću upravu Općine Centar Sarajevo (u daljem tekstu: Odluka), utvrđuju se posebne usluge ove Službe, visina naknada za obavljanje istih, te usluge koje se obavljaju bez plaćanja naknade.

Član 2.

Posebnim uslugama u smislu člana 1. ove Odluke smatraju se:

1. sklapanje braka ponedjeljkom, utorkom i petkom u službenim prostorijama Općine Centar Sarajevo (u daljem tekstu: Općine);
2. sklapanje braka subotom u službenim prostorijama Općine u vremenu od 15,00 do 19,00 sati;
3. sklapanje braka nedjeljom i praznikom;
4. sklapanje braka svim danima u sedmici izvan službenih prostorija Općine (ugostiteljski objekat, restoran, hotel, ili neki drugi odgovarajući prostor) na teritoriji Općine u vremenu od 08,00 do 20,00 sati;
5. sklapanje braka kad su oba bračna partnera strani državljani;
6. sklapanje braka izvan službenih prostorija Općine, na otvorenom prostoru na teritoriji Općine;
7. ovjera dokumenta i legalizacija potpisa na terenu za stara, bolesna ili invalidna lica na teritoriji Općine.

Član 3.

Korisnik posebnih usluga iz člana 2. ove Odluke plaća naknadu u slijedećem iznosu:

3.1.

Sklapanje braka u službenim prostorijama Općine

- ponedjeljkom, utorkom i petkom **100,00 KM;**
- subotom od 15,00 do 19,00 **150,00 KM.**

3.2.

Sklapanje braka svim radnim danima u sedmici, izvan službenih prostorija Općine (ugostiteljski objekat, restoran, hotel, ili neki drugi odgovarajući prostor) na teritoriji Općine u vremenu:

- od 09,00 do 16,00.....**400,00 KM;**
- od 16,00 do 19,00**500,00 KM.**

3.3.

Sklapanje braka subotom, izvan službenih prostorija Općine (ugostiteljski objekat, restoran, hotel ili neki drugi odgovarajući prostor), na teritoriji Općine u vremenu

- od 15,00 do 17,00 **400,00 KM;**
- od 17,00 do 20,00 **500,00 KM.**

3.4.

Sklapanje braka u neradne dane

- nedjelja i praznici.....**700,00 KM.**

Član 4.

(Posebna naknada)

Pored naknade utvrđene članom 3. ove Odluke, utvrđuje se posebna naknada za sklapanje braka kada su oba buduća bračna partnera strani državljani**300,00 KM.**

Član 5.

Bez naknade za usluge iz ove Odluke vrši se:

1. sklapanje braka u redovnom terminu (srijeda i subota) u službenim prostorijama Općine, u vremenu od 08,00-15,00 sati,
2. sklapanje braka u slučaju kada se jedan bračni partner nalazi na liječenju u bolnici ili je nepokretan kod kuće ili je smješten u domu ili se nalazi na izdržavanju kazne zatvora ili u drugom opravdanom slučaju, o čemu mora predložiti dokaz,
3. ovjera dokumenta i legalizacija potpisa na terenu određenim danom u sedmici za stara, bolesna ili invalidna lica uz prethodno predložene dokaze.

Član 6.

Odobrenje za sklapanje braka van službenih prostorija Općine i za pogodnost objekta iz člana 22. Porodičnog zakona („Službene novine Federacije BiH“, broj: 35/05, 41/05 i 31/14), u vezi sa tačkom 149.a) Uputstva o načinu vođenja matičnih knjiga („Službene novine Federacije BiH“, br. 51/13, 55/13, 82/13 i 06/15), daje pomoćnik općinskog načelnika Službe za opću upravu rješenjem.

Član 7.

Naknada za obavljanje posebnih usluga iz čl. 3. i 4. ove Odluke uplaćivat će se u korist budžeta Općine.

Član 8.

Lice koje uplati naknadu iz ove Odluke, a u međuvremenu odustane od zahtjeva za pružanje posebne usluge, ima pravo na povrat sredstava.

Postupak za povrat sredstava pokreće se na zahtjev stranke.

O zahtjevu za povrat rješava Služba za opću upravu, a po pravosnažnosti rješenja, Služba za finansije će izvršiti povrat sredstava.

Član 9.

Izveštaj o primjeni ove Odluke priprema Služba za opću upravu i podnosi Općinskom načelniku svaka tri (3) mjeseca.

Član 10.


Danom stupanja na snagu ove Odluke prestaje da važi Odluka Općinskog vijeća Centar Sarajevo o naknadama posebnih usluga u Općinskoj službi za upravu za oblast opće uprave („Službene novine Kantona Sarajevo, broj 20/00).

Član 11.

Ova Odluka stupa na snagu naredni dan od dana objavljivanja na oglasnoj ploči Općine Centar Sarajevo, a objavit će se u „Službenim novinama Kantona Sarajevo“.

Broj: 01-11-3355/22

Datum: 28.04.2022. godine



Predsjedavajući Općinskog vijeća

Sejad Đozo

Ova odluka objavljena je na oglasnoj ploči dana

06-05-2022

